





原件短缺

P1

命止於至善憂民憫農非徒以此為樂是  
彛是訓曾著詩文壽于梨勒于石垂示將  
來惟斯園景致必也記之蓋益彰

聖澤於無窮者也且園之中蓬壺島築起

重臺上建紀

恩樓仰觀天象俯察萬類星辰指顧之間

風物範圍不外故橫楣之書有盡  
靄晨光有澄涵夕照有晚岫蒸霞  
有湖樓得月有大塊文章儘是斯  
樓之景致也獨惟觀帝藉念民生  
驗園中之嘉樹知野外之茂禾故  
當勝耳樓之前南面是脩齋軒階  
下平湖縈迴旋繞南堤北岸建櫺  
星門曰天然景色曰止於至善曰  
天真樂趣曰無限風光當陽又構  
大楹額為止善堂居南也又為藏  
修游息所居北也左輔右弼西院  
東房照對巍樓高低特地橫岸

應雙架平橋左為光風右為霽月  
橋上長廡曲轉周圍廊之東為翠  
澗含芳廊之南為薰和佳爽廊之  
西為澄湛明輝廊之北為光凝靄  
曙皆備四時之烟景其信矣哉樓  
之後架起數椽名之為心齋翼以

迴廊澄光湖練聰明閣高臨曲岍  
澄清榭俯瞰波心徹底涵空一塵  
不動豁然有澄清之致池之名不  
亦宜乎遍觀霜蘋烟柳竹雨槐風  
都是芳津芳浦徐移青雀黃龍蘭  
橈桂楫咸欣相得相資良有以也

池中有島曰三壽山塔影樓形衝  
空隱霧觀清亭廠臨水依山山下  
有水月釣臺傳觴曲澗山上有靈  
通洞谷月窟雲根別小有天莫形  
其勝槩者也

高樓賞勝

各有  
小引

清寧池周迴流派蓬壺島突起岡  
巒高築重臺上建岑樓直矗翼之  
傑閣橫臨水榭依光俯瞰湖山上  
苑風光盡納靜觀天地神京景色  
包涵日月照于窓櫺雲物呈於欄  
檻更兼韻事勝地臨千畝之田每

舉躬耕勸農為萬民之教是為紀  
恩樓之第一景也

鳥革翬飛十二欄層層崩岌聳雲端草花  
亭院何須道星斗山河儘可觀四美古今  
情莫限兩間風景興無闌  
慈恩此設非留玩


遺訓憂民稼穡難

--	--	--	--	--	--	--	--	--	--

高樓廣麟







# 常茂園

## 第六景

重陽節幸常茂園登紀

恩樓賞節賜皇親廷臣宴賚用詩誌勝

丕平遵

政化治效啟雍熙重九逢佳日萬幾適暇

時故園臨止輦賞節奉

前規臺閣登高望江山

聖澤垂四方皆案堵五内切追思

功德千秋在覲揚一念持咨諏諸百執匡

輔我洪基菊酒親斟賜奠簪各挿隨吉

祥應共慶延壽為相期

是宴各賞賚金銀錢奠簪佩棗

饒附以綵旗金書吉祥茱囊附以棊牌辟惡延壽故咏及耳

禮寓交

孚宴情惇誌勝詩

### 廣廈談文

書堂軒豁古帙盈陳閱時臨幸離

宮留意披觀圖史討論今古陶淑

性情召對臣工搜求治理集鴻儒



而論道賜學士之登瀛石渠復振

英風弘文更傳盛事是為止善堂

之第二景也

萬幾清暇故園臨  
 名對儒臣論古今  
 花草傳神天色著  
 魚鳶入妙化機深  
 八條大學遵皇範  
 兩字中庸見道心  
 慎始要終時罔  
 間思難圖易日尤欽

# 廣廈談文



# 常茂園

# 第貳景

於是園止善堂命名皇子皇親公

陪侍御宴賦詩以示之

宴開惇叙翕周親止善相期

聖訓申交錯觥籌推德齒茂隆藩屏佐冲

人 是席召建安定遠延慶奠磐常信 樂

安慶慈山諸親公皆余之叔也

符漢室芳聞播情協唐樓寵貺臻

皇子安豐

公洪保福綏公洪任皇弟壽春公綿定  
寧順公綿宜襄安公綿寶廣寧公綿宓  
從國公綿審綏國公綿賓奠國公綿雍  
咸順郡公綿守思義郡公綿宰和盛郡  
公綿寓均  
麟趾振振仁厚美本支繁衍  
準陪宴

萬年春

軒欄花露

臺前平整爽塏庭除樓下憑依營  
構軒檻公輸製就玲瓏透漏之雕  
欄摩詰栽培叢聚芬菲之香草櫺  
星門畔淵明之貞操移來菑菑池  
頭靈運之芳聞遠播雜陳花樹曉

風輕展錦綃敷梁窓櫳香氣乍露

玉露是為修齊軒之第三景也

臨池倚閣攬群芳曉色難描豔態裝輕襯



晨風依檻笑為濡天酒滿堂香雕楹綺彩

峻蜂錯畫砌珠痕騙蝶藏獨有芝蘭超衆

卉善人進益佐花王

軒欄筍露





常棣園

第貳景



齋牖夕霞

重臺之上構起高齋巍樓之傍洞  
開花牖俯察品物仰觀乾坤方斜  
陽遠岫流霞池波鋪練凝曲檻空  
階生色瑞彩當窓天然一幅畫圖  
山容水態懿彼四時風物鳥語花

香都歸心鏡澄清博得天真樂趣  
是為心齋之第四景也

背樓面水瞰澄波西岫雲歸蘸夕霞五色  
彩流蒸闥綺九光影射逗窓紗花簷落照  
珠簾動風練敲紋畫檻斜待月交輝明鑑  
在丹臺半點莫能遮

# 齋牖夕霞



# 常茂園

# 第四景

山亭梅雨

用進  
退格

三壽山峻嶒石磴松栢茂成陰六

角亭構起平崖山水兼得趣枕波

落石恍如一葦僊舟曲澗傳觴宛

爾五朋勝蹟亭畔漁磯凹凸水月

釣臺巖頭壘障巒岼雲霞洞谷黃

梅久熟正方煖熱炎蒸白羽飛騰  
倏轉涼和清爽却忘九夏咸欣帝  
世如春不但五明共樂舜琴解慍  
是為六合亭之第五景也

半倚山隈半水磯松陰梅影掛亭楣斜陽  
雲佈商羊舞驅暑風颺石燕飛菓熟江南  
逢五月霖施嶺北順三時埜花古木皆生  
意六合同春轉化機

山宮機雨





# 常茂園

# 第五景

## 水閣荷風

鎮波邃閣接岸迴廊當炎天爍石  
流金正盛暑焦膚炙體薰風迢遞  
隈紅倚翠送清香湖水漪漣湛碧  
噓青敲細浪左圖右史莫不芳菲  
淨几明窻無非佳爽憑欄四眺偕

樂乎光天遍野千家清吉乎化日  
是為聰明閣之第六景也

臨流傑閣綠紅池日午荷喧吳二吹集袂  
陣香隨散聚拂簾生籟半褰垂薰和不覺  
虞琴奏清爽何須武扇披倚檻四聰堪睽  
望吾民且喜阜財時

水閣荷風



# 常棣園

# 第六景

## 清池香練


一泓蕩漾四望渺茫淡宕涵空星  
宿文章並著澄明倒影樓臺彩色  
浮光湛湛本源淵淵自性池心雨  
後琉璃鏡展明奩水面風來荷芰  
香蒸淨練魚翻玉尺浮沉量度波

紋蟾落銀盤照應磨礮水鑑是為

清寧池之第七景也

平湖雨後玉奩開細練香蘋兩暗催風過  
蓮拋紅粉墮芳聞波展素綃來浣花逐隊  
魚鯪戲顧影呼朋燕雀猜水榭幾回然太  
乙採菱歌艇月為媒

清池香練



常茂園

第七景

涼榭晴波



波心建榭湖面橫欄瞳矚遠岫方  
昇浮光細浪紉縵重霄布護絢彩  
長流槐風乍拂珠簾涼生滿座花  
影輕移綉檻錦晒沿堤色著波紋  
燦熒嫣紅姹紫塵清水次澄凝漱

綠含青目下可觀瀾心會而知道  
是為澄清榭之第八景也

雕梁畫棟鎮銀塘何處薰風引興長攬勝  
烟霞心上爽涵空雲日水中光怡情不在  
斯園景樂意閒披古帙香餘事凭欄堪下  
釣哭魚此輩可須防

燥榭晴波





# 常茂園

# 第八景

雙橋架月

用進  
退格

堂居於南樓建于北清流一帶繚

繞其間隔岸雙橋架臨其上三五

適逢良夜水底天心東西舒望平



湖月生波面移鞋橋上恍如撥霧

步雲縱覽欄前不覺馭風泛月徘徊

徊於斗牛之畔顧盼於天水之間  
景奪詩兮不盡言天然趣兮無限  
意是為光風霽月雙橋之第九景  
也

南堂北閣隔池坡接架橋廊四望賒天水  
一般浮玉鏡虹霓两道跨金波樓臺隱約  
雲間景星宿依稀檻外花霽月光風誠不  
濫吟鞋到此易蹉跎

雙橋架四



# 常茂園

# 第九景

三峰插雲

驪珠呈上鰲岫駕來波中崦岵衝

空池上增峻摩漢三峰峭壁觸石

興雲萬木重巖障天拂霧觀稱四

大那知留待僊班塔築七層莫道

空虛禪味靈通洞谷登臨別小有

天峻峙巖巒賞覽覺高明地是為  
三壽山之第十景也

儼然圓嶠鎮波心積翠層層樹木森一簇  
高擎粘彩靄雙岑迭出架玄霽神山移向  
池塘麗僊紀長留歲月深周圍雖非來雉

兔春闈同樂擬瓊林

凡春科賜宴于是園  
再準登第諸人遊玩

看花名為常茂園  
宴做唐之故事也

香峰猶雪





常  
茂  
園

第  
十  
景

御題名勝圖繪詩集卷之八 止

河野名湖圖

景卷之八

